



Nakon razgovora s Farukom Jašarevićem

# SIPA uzela dokumente o dodjeli detašmana!

Inspektore Državne agencije zanimala kompletna situaciju u VTKBiH

Inspektori Državne agencije za istrage i zaštitu (SIPA) izuzeli su jučer svu potrebnu dokumentaciju o dodjeli detašmana za rad u Njemačkoj. To je urađeno nakon što su obavili informativni razgovor s novim starim generalnim sekretarom Vanjskotrgovinske

komore (VTK) BiH Farukom Jašarević, saznaje „Dnevni avaz“.

Inspektore su, kako saznajemo, osim nepravilnosti pri dodjeli detašmana, zanimali i trenutno stanje u VTKBiH i entitetskim komorama, potom uloga Ministarstva vanjske trgovine i

ekonomskih odnosa BiH i njegove ingerencije u Komori, kao i porezne povlastice koje VTK godinama olako koristi.

Saznajemo da su, osim razgovora s Jašarevićem, inspektori SIPA-e prije pokretanje bilo kakve zvanične istrage u Komori najavili i

susret s nadležnima u Ministarstvu vanjske trgovine i ekonomskih odnosa BiH kako bi dobili sve relevantne podatke o funkcioniranju Komore. Najavili su da će sve netransparentne radnje koje se već godinama vežu uz VTK uskoro biti izvedene na čistac. **M. Aš.**